

Headline	VWaktu operasi MAHA padp hujung minggu dilanjutkan	Language	MALAY
Date	15. Aug 2008	Page No	11
Media Title	Utusan Malaysia	Article Size	169 cm <sup>2</sup>
Section	Dlm Negeri	Frequency	Daily
Circulation	238082	Color	Full Color
Readership	833287	AdValue	2385.77



## Waktu operasi MAHA pada hujung minggu dilanjutkan

SERDANG 14 Ogos – Waktu operasi Pameran Pertanian, Hortikultur dan Agro Pelancongan (MAHA 2008) bagi hujung minggu ini dilanjutkan dari pukul 10 pagi hingga 9 malam iaitu bermula esok hingga Ahad.

Ketua Setiausaha Kementerian Pertanian dan Industri Asas Tani, Datuk Dr. Zulkifli Idris berkata, lanjutan tersebut dibuat berikutan sambutan yang diterima sejak 11 Ogos lalu sehingga semalam.

Katanya, sehingga semalam MAHA telah menerima sejumlah 60,000 pengunjung dan jumlah ini dijangka bertambah kepada

100,000 orang pada hari minggu.

“Oleh itu kami membuat keputusan untuk memanjangkan waktu operasi bagi memberikan keselesaan dan peluang kepada lebih ramai pengunjung untuk datang ke MAHA lebih-lebih lagi pada cuti sekolah akan bermula hujung minggu ini.

“Bagaimanapun, kami belum memutuskan sama ada lanjutan masa ini akan turut dibuat pada hari-hari biasa,” katanya pada sesi taklimat kepada pemberita di sini hari ini.

MAHA yang bermula 11 Ogos lalu beroperasi setiap hari bermula pukul 10 pagi

hingga 7 malam.

Dr. Zulkifli berkata, pihak MAHA turut menerima maklum balas daripada golongan yang bekerja berhampiran tapak pameran yang memberitahu tidak mempunyai masa yang cukup untuk melawat tapak-tapak pameran terutamanya lepas tamat waktu kerja.

Ekoran penambahan masa operasi tersebut kata beliau, pihaknya dengan kerjasama Tapak Ekspos Pertanian Malaysia (MAEPS) telah menjalankan kerja-kerja penambahbaikan seperti pencahayaan tambahan bagi memastikan keselamatan dan keselesaan

pengunjung pada waktu malam terjamin.

“Kekerapan trem juga akan dipertingkatkan jaitu masa menunggu bagi setiap trem adalah antara empat hingga lima minit di samping lauan-lauannya akan meliputi lebih banyak kawasan pameran,” katanya.

Pada sesi pertemuan itu juga, Dr. Zulkifli menjelaskan bayaran RM5 yang dikenakan kepada pengunjung bukanlah bayaran masuk MAHA tetapi caj meletak kenderaan.

“Untuk masuk MAHA atau ke tempat-tempat pameran, tiada bayaran dikenakan, ia percuma. Bayaran RM5 tersebut ialah caj meletak kenderaan sekali masuk.

“Bagi perkhidmatan trem pula, pengunjung hanya dikenakan bayaran sebanyak RM1 sahaja sekali. Perkhidmatan bas perantara pula adalah percuma,” jelasnya.

MAHA menyediakan perkhidmatan bas perantara di stesen berdekatan Stadium Bukit Jalil, kawasan belakang Palace of Justice di Putrajaya, Universiti Putra Malaysia (UPM) di sini dan di stesen bas Stadium Kajang.

Selain itu, pihak pengurusan MAHA juga sedang mempertimbangkan cadangan untuk menyediakan kemudahan mesin ATM di kawasan pameran utama.